

**კონკურსი ივ. ჯავახიშვილის სახ. თბილისის სახელმწიფო
უნივერსიტეტის მაგისტრატურის სტუდენტებისათვის ესტატე ხმალადის სტიპენდიის
მოსაპოვებლად**

ივ. ჯავახიშვილის სახ. თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტი 2011 წლის 30 დეკემბერს აცხადებს კონკურსს თსუ მაგისტრატურის სტუდენტებისათვის ველინგტონის ვიქტორიას უნივერსიტეტის პროფესორის ესტატე ხმალადის სტიპენდიის მოსაპოვებლად.

კონკურსის პირობები:

სტიპენდია გამიზნულია ივ. ჯავახიშვილის სახ. თბილისის სახელმწიფო უნივერსიტეტის მაგისტრატურის სტუდენტებისათვის, რომლებიც სპეციალიზდებიან

- ა) ალბათობის თეორიასა და მათემატიკურ სტატისტიკაში,
- ბ) ფართოდ გაგებულ წრფივ (ფუნქციონალურ) ანალიზში,
- გ) თეორიულ ფიზიკაში.

1. სტიპენდია ეძლევა განსაკუთრებული ნიჭის და სიბეჯითის მქონე სტუდენტს. მაღალი აკადემიური მოსწრება აუცილებელი წინაპირობაა, მაგრამ არ არის ერთადერთი გადამწყვეტი ფაქტორი.
2. სასურველია, რომ სტიპენდიანტი იყოს მიზანსწრაფული და მოტივირებული პიროვნება. მოსალოდნელია, რომ ასეთი პიროვნება მომავალში თვითონ გახდება სხვათა წინსვლის ხელშემწყობი.
3. აუცილებელია, რომ სტიპენდიანტი იყოს ზოგადად განათლებული პიროვნება, დაინტერესებული ქართული და მსოფლიო ლიტერატურით და ხელოვნებით.
4. სტიპენდია უნდა მიენიჭოს საქართველოს მოქალაქეს განურჩევლად ეთნიკური წარმოშობისა, სქესისა და ქონებრივი მდგომარეობისა.
5. იმ შემთხვევაში, თუ ვერ მოიძებნა სავსებით დამაკმაყოფილებელი კანდიდატი, სტიპენდია არ გაიცემა და შესაბამისი თანხის გადატანა მოხდება შემდეგი წლისათვის.

დაფინანსება:

2011–2012 წელს შესაძლებელია გაიცეს ერთი სტიპენდია, USD 1000- ის ექვივალენტი ქართული ლარის ოდენობით. სტიპენდია ინიშნება ერთი წლის ვადით. ესტატე ხმალადის ყოფილ

სტიპენდიანტებს უფლება აქვთ ხელახლა წარადგინონ საბუთები ახალი ვადით სტიპენდიის მიღებაზე.

საკონკურსო განაცხადის წარდგენა:

კონკურსში მონაწილეობისათვის მაგისტრანტმა **2012 წლის 13 იანვრამდე** უნდა წარმოადგინოს:

1. განცხადება
2. პროფესიული ავტობიოგრაფია (CV), სადაც დამატებით აღწერილი იქნება სად და როგორ გამოავლინა მან ნიჭი და სიბეჯითე, როგორია მისი ზოგადი ინტერესი და განათლება.
3. აკადემიური მოსწრების დამადასტურებელი დოკუმენტი.
4. პროფესორის სარეკომენდაციო წერილი.

საბუთები მიიღება ზუსტი და საბუნებისმეტყველო ფაკულტეტის სამეცნიერო კვლევების და განვითარების სამსახურში. დამატებითი ინფორმაციისათვის მოგვმართეთ მისამართზე: უნივერსიტეტის 13, თსუ XI კორპუსი, ოთახი 303. ტელ: 2 304070.

სტიპენდიის გაცემის პროცედურა:

1. სტიპენდიას ანიჭებს სტიპენდიის მიმნიჭებელი კომისია
2. მიღებული საბუთის საფუძველზე კომისია ადგენს საუკეთესო კანდიდატების მოკლე სიას (1-3 აპლიკანტი). საბოლოო გადაწყვეტილება მიიღება პირადი გასაუბრების შედეგად. თუ კომისია საჭიროდ მიიჩნევს, მან შესაძლოა სთხოვოს კანდიდატებს მოკლე მოხსენება გააკეთონ მათ სამეცნიერო ინტერესების შესახებ.

სტიპენდიის გაცემის ფორმა:

1. გამარჯვებულ სტუდენტებს სტიპენდია და დიპლომები საზეიმო ვითარებაში გადაეცემათ.
2. სტიპენდია გაიცემა ქვემოთ დასახელებული სამი ფორმიდან ნებისმიერი ერთ-ერთი ფორმით: ერთიანად ბანკნოტებით, საბანკო ჩეკით სტიპენდიანტის სახელზე, ან ჩაირიცხება მის საბანკო ანგარიშზე – სტიპენდიანტის სურვილის მიხედვით მთლიანად ან დროთა განმავლობაში.